




Terenga 2: Hōtaka 03 - Reremahi

Koinei te reo hei waka kawē i te whakaaro o nunui mā, i te tūmanako o roroa mā. Ko Ako hoki tēnei he ihu waka e wāhi nei i ngā ngaru pukepūke o te wā. Kaua te waka e uwhia, tukua te waka kia puta i te tāwhangawhanga. Tātou katoa ki te hoe!

He Whakamārama

Anei ngā wāhanga o te Reremahi:



1. tohu o te wā o te mahi
2. tūmahī
3. kaimahi
4. pū – hei hono i te tūmahī ki te aronga
5. aronga
6. āpitianga wā, wāhi

***Mena he kaimahi kei roto i te kōrero, me whai te kaimahi i muri tika tonu mai i te kupu mahi/tūmahī.**

*** Kia tūpato:**

mau = be caught; mau = to wear

whiwhi = I whiwhi ia i te karahipi. (he tūmahī tēnei engari kāore e noho hāngū)

whakawhiwhi = to present or award

I whakawhiwhia ia ki te karahipi. *He was awarded a scholarship.*

I whakawhiwhi te iwi i te karahipi ki a ia. *The tribe awarded him with a scholarship.*

Hei Mahi Whakarongo

Kia huri te aro ki te whakarongo ki ngā kōrero i puta i a Victor Walker i te tautohetohe e pā ana ki te tikanga tawhito o te ao Māori, ki te taumau.

1. He aha tā Tāne mahi?
2. I mōhio ia ki tāna mahi i taua wā?
3. He aha ia i kore ai e rata ki te tikanga taumau?

Hei Manatu

He tūmahī te kupu hei manatu mā tātou i te rangi nei. I tangohia e Tīmoti i tētehi waiata tawhito ka rapa atu ai hei kupu hou mō te āhua o te whakapakari i te tangata ki te mahi i tētehi mahi. Whakarongo ki ngā whakamārama a Tīmoti Kāretu mō te kupu 'whakangungu'.

Hei Mahi

Whakamāorihia ēnei rerenga:

1. The university awarded her a degree in education.
2. I'm wearing my gumboots to the gathering tomorrow.
3. Peter got the job!
4. Have you seen my keys?

Whakautu:

1. I whakawhiwhi te whare wānanga i te tohu mātauranga ki a ia.
2. Ka mau au i aku/ōku kamupūtu ki te hui āpōpō.
3. I whiwhi a Pita i te mahi.
4. Kua kite koe i aku/āku kī?